



THE DAYBREAK.

"Wankantanhan Anpao kin hiyounhipi."—Luke 1. 78.

Vol. XXVI-No. 5

FOREST CITY, SO. DAK., MARCH, 1911

Wokajuju 50 Cents

TAKUŠNİSNI.

Hekta lecala Bishop nonpa tapi, wanji Bishop Paret, Maryland obašpe kin etanhan, na unma kin he Bishop Atwill, Kansas City obašpe etanhan. Bishop Paret ookiye wan yuha, hecel iye wanna ataya Bishop un kta. Tka Western Massachusetts na Kansas City obašpepi kin on tokeša Bishop teca wicakalnigapi kta.

Pennsylvania State kin el Bishop obašpe tona yuhapi, tka Okolakiye kin he lila icage canke heon lecala wan teca kagapi na Rev. Rogers Israel eciyapi Bishop un kta kalinigapi.

Hekta October wi kin ienhan, Cincinnati, Ohio el, General Convention el taku ota yuſtanpi, yunkan wanji lee : Dioceses (Obašpe tona igluhapi kin) el Bishop unpi kin wicohan tanka yuhapi kin or, naiš wanna wicahapi kin on, Suffragan Bishop (Bishop Wawokiya) wanji naiš nonpa wicayuhapi kta okihipi. Taku kin le Yewicašipi obašpe opapi ſni. Yunkan lecala New York obašpe el Rev. Charles S. Burch, Suffragan Bishop un kta e kalinigapi.

Wiyohpeyata miniwanca kowakata, Phillipine wita kin ekta Owayawa tipi koktopawinge topa isanpa Tunkanšilayapi wicakicage. Iyohila el Milahanska iapi onspewicakiyapi. Wakanheja wayawapi opapi kin woyawa tanka okise isanpa opapi. Phillipine oyate etanhan waonspekiye unpi kin kokto ſakowin sam opawinge ſakpe, na Milahanska etanhan opawinge ſakowin henakecapi.

Japanese makoce kin el hokšipila kin miniſuha canonpapi kin lila econpi kin heon oyate itancanpi kin, hokšila tona waniyetu wikemna nonpa aokpanipi kin ataya canonpapi kte ſni e woope kagapi. Icin hokšila icagapi kin ienhan miniſuha canonpapi kin iſicapi kin heon. Eya maka owancaya hececa.

Hekta Feb. 14-17 ienhan Wattertown, S. D., ekta Woſnakaga iyuha kinin himniciyapi. Ptayela wankiciyakapi, nahan wicohan wakan yuhapi kin on wokiciglakapi, na tokel oyate egna Okolakiye wakan iyoptekiyapi kta e ikiciyukeanpi kin he oiyokipi.

Le wi Anpao okage cin el hekta Convocation qon takuku econpi naiš yuſtanpi kin unyataninpi. Yunkan etanhan wanji lee. Oyanke iyohila el Woſna kaga unpi kin hena Ateyapi el el Lakota wacipi kin anapta kuwapi kta, eyapi.

Taku kin heon wicohi wanji kin unkeyapi kta. Hekta omaka 1900 Hinhan wakpa iyohloke, Ascension Tipi wakan el, Convocation econpi qonhan Lakol wicohan cajeyatapi. "Hehan Mr. Paul Eagle Bull, Pine Ridge etanhan kin wokdaka qa Dakota wacipi qa Itulanpi henaos cajeyate qa Mr. James Again he okiye, qa hetanhan wicota iwoglakapi qa ohanke ta de okna yuſtanpi. Tunkanšina Dakota awanwicayake cin he ito Committee napciwang Itancan kin wicakicage ca hena wowapi wanji qupi kta eyapi qa okna yuſtanpi.

Hehan Itancan yanke kin Committee kin hena tuwepi kte cin wicakalnige ca dena eepi. Rev. W. J. Cleveland, Rev. E. Ashley, Wm. F. Wizi, Mr. Felix T. Brunot, Mr. Johnson Red Owl, Mr. Joseph Brown Wolf, Mr. Martin Black Elk, Rev. Victor Renville, qa Mr. St. John Cloud henakecapi."

He ohakab Convocation enakiyapi ſni ecel Committee kin tokel wowapi kagapi kte cin yawapi tka, tona Anpao kin Dec. wi 1900 yagnakapi kinhan el wanlakapi kta, tka hunli ecaca wanyakapi ſni naceca hecel le el akta unlagapi.

"To the Hon. Commissioner of Indian Affairs, Washington, D. C.:

"Sir : — Nakaha South Dakota imahen Skain Okodakiye Wakan kin Dakota wicakna yanke cin he Omaka wanji kin on ake Convoca-

tion omniciye econpi, unkan he South Dakota imahen Owakpamni tona biyeye cin hena etanhanhan wicaša kahnih eu opapi, unkan tona den ihuknya caje unkoiciwapi kin hena Committee unlagapi, qa taku nom on wowapi unnicupi kta e econunšipi, unkan Dakota kin tokatakiya wašicun iyecenya unpi kte ca Tawaiciya unpi kta tka taku kin denaos kušeya kda kinyan wanka e he tona Christian hecapi qa oyate kin ekna tona tanyan wabdeza okihipi qon hena abdezapi, qa heon he wowapi kin de unnicagapi.

Tokaheya:—Bdoketu cokaya wicoškate qon he unkiyepi kin opeya kaken icaga, wašicun otonwe unkitanokšan biyeye cin hena ektakta Bdoketu cokaya eca unkiyepi qa wiciyopeya unškanpi qa on wocon tawapi kin he oiyokipi kta cinpi ece. Tka heconqonpi kin wicohan ſikšica aikoyaka e unka kibdezapi heon hecetu yakeš unkiyeeinka owakpamni unkitawapi kin eceken Bdoketu cokaya wicoškate qon he econqonpi ecee.

Unkan United States en oyate Tawaiciya unpi kin Wokiksuye anpetu tawapi kin hee, heon Tunkanšina ekta Dakota tanhanhan owicohan yuha yankapi kin hena onšiciya qa yuonihanyan waunnicidapi, qa decen uncinpi. Dakota ekna Ateyapi (Agent) wicunyuha pi kin hena wowapi wicayaqu qa Bdoketu cokaya woškate kin iye nape okna kduhapi kta, qa Minahanska oyate kin, anpetu kin de token Tawaiciyapi woyatanin qon oknayan econwicakiyapi kta, qa ecen Dakota oyate kin anpetu kin he token ahopapi kte cin okalnigapi qa onspepi kta. Tuwa wan heciyotan Waonspewicakiye kta iyeecca e omaka iyohi sam tanin ave. Ecin unkišnana yuha unškanpi ecee eša anpetu kin token okitanin qa token wocon en econpi kta iyeecca qon hena oki unkalnigapi ſni heon tokata wicoicage wan teca yin kte cin ekta taku wanjikji ikunni kta iyeecca eša econqonpi ecee, qa ehanna Wi—wanyag wacipi eca en token owicohan yuha ſkanpi ecee qon eciyatanhan, wocon econpi ecee. Awicaken wowicake hekta Dakota wicohan tona unyuhapi qon hena wanna waniyetu ota ehanna hena elpeya unšipi qa elpeunyanpi qon hena ee ca dehan Bdoketu cokaya eca owasin caje kin ecena yutokecaya yuha ſkanpi ecee, ehantanš ehake Wi—wanyag wacipi eca en hiyete bakihdakapi hecena okaptapi.

Inonpa kin:—Itulanpi eyapi kin

hec. Itulan eyapi kin de Bdoketu cokaya wicowoškate kin hen ecena ſni tka ohinniyen tohantu keša nina econpi e hecen Tunkanšina ekta Dakota etkiya owicohan yuha wankapi kin taku kin de anayaptapi kta e yuonihanyan unnicidapi. Icin Itulanpi kin hena iknuhanna wicayapi, qa tanyan iyukeanšniyan woyinha ocaje ota itulanpi ecee, unkan Tunkanšina eciyatanhan wicaša taniyohi token okihi kinhan oigiye kte, qa woyuha ota yube kta wacin kta, qa on tokatakiya tanyan ikdoye kta e cinwicakiya eša ienhan Itulanpi eyapi kin de en kdakinyan wanka e he sdonunyanpi. Ecin ege ehanna wicadakota qonhan oyate kin aikdagya unpi canke iciyumuayan itukiciliani qa oyate de woyuha kin hena wicaša iyakidehanyan yulapi eša hecetu on econpi ecee, tka dehantu kin he okna ſni, tka ee wicaša owasin wašicun iyecenya unpi kta qa tawoyuha yukeya iyopteciya kta e cinunkiyapi qa econunšipi kin heon heunkeyapi.

"Awicakehan yuonihanyan dena unkeyapi.

"Committee kin."

Ho lecel eyapi qon. Tokeša tokata token Commissioner kin ayuppte cin he unyataninpi kta, na wicohan kin le on takuku awacinpica kin unkeyapi kta.

[Concluded from fourth page].

yuſtanpi : Sarah Pte san otuhan win, Itancan ; Bessie Hunku win, Iyokihe; Jennie Inyan tokahe win, Mazaska awanyaka; Fanny White Plume, Wokagege awanyake; Mary Ptegeška ota win, na Mary Wahuwapa win kici, Wamnayanpi; Bessie Winyan hea na Alice Bear Eagle kici, Waysan awanyakapi; Lucilla Wiitancan win, Louise Nape luta win kici, Tiyopa awanyakapi. Oitancanpi kin lera wi akenob hehanyan cantewaste ya, Wakantanka etkiya wowaši econpi kta ca unyuſtanpi. Yunkan tona winyan opapi ehantanš iſeya iyecel wowaši Wakantanka etkiya econpi kta. Hececa kinhan, mitakuyepi, Okolakiye wakan sam wašagunyanpi, kinhan unkiye sam unkiwaſtepi kta. Icin tuwa Wakantanka wacinye na wicala ehantanš tokel okihe Okolakiye wakan qel ſkan kta iyeecca ye. Ho eyaš benala epin kte. Cantewaste ya nape ciyuzapi tona Anpao lawapi kin.

Yours sincerely,

Jennie Iyantokahe win
Wowapi kaga

THE DAYBREAK.

REV. E. ASHLEY: : : : EDITOR

REV. W. HOLMES, Assoc. Editor

THE DAYBREAK is published monthly in the interest of the Protestant Episcopal Church among the Sioux Indians of South Dakota.

The subscription price is 50 cents per annum and may be paid in Money Order or two cent postage stamps.

Single subscriptions for six months, 25 cents.

All subscriptions and matter for publication should be addressed to

REV. E. ASHLEY
Cheyenne Agency, S. D.

Letter of Commendation.

The tendency of THE DAYBREAK is to provoke to good works and to bind us together. It will be a special help to the scattered members of the Church. Besides other Church news, it will contain official notices and accounts of official acts and visitations of the Bishop. It is hoped that our people will take it and circulate it.

PRINTED at the office of the "Forest City Press."

ENTERED at the Postoffice at Forest City, So. Dak., as second class matter.

Wotanim-wašte Ayapi On Wocekiye.

Anpetu iyohi wicokaya he cin ehan heyapi kta:

Wanikiya wašte isto wacantkiye nita-wa glugal, canicipawega akan otkeyahan yamni tka qon, maka akan wicaša nupi kin owasin Niye ektu etonwapi qa niwiciyapi nuwwe. AMEN.

WAKANTANKA Iyotan wašake cin, Woksapit ed Itancan kin, Woksapi Nitawa kin ed Itanipi kin nakim, sanpa yewicayaši kta e onšiciya icemniciyapi: hecel Waawanglake wicaka na wacinyepica heca iyenakecapi kin on Okolakiciye-wakan nitawa kin iyuskin kta, na Nitokiconze wašte Chicago tawa kin-yutankapi kta: Jesus Christ Itancanunyanpi kin eciyatanhan. AMEN.

O WAKANTANKA, tuwe wicawé wanjila on, wicaša oyate hiyece cin oyasin maka kin owancaya etipi kta e wicayakage cin, na tona itehanyan naiš kiyela nupi kin, wokkiye owicakiyakin kta e Nicinea wašte uyaši qon; wicaša oyasin onilepina iyeniyampi nuwwe. Oyate kin optaye nitawa kin opewicaya ye, na Ikeewicaya kin wokiconze nitawa ektu awicagli ye. Tona wicayeco kin ecela wicawecetu, na nitokiconze kin kohanna uyakiyin kta icemniciyapi: Jesus Christ Itancanunyanpi kin hec eciyatanhan. AMEN.

O ITANCAN, tona nunipi kin hena awicayakite ca niwicayayin kta e yahi kin, na mahpiya ektu na maka akan wowašake-ataya nicipi kin, tona eonwicayaši kin eciyatanhan, wicaša otioyohi Wotanim Wašte kin owicakiyakapi kta e iyayapi kin, on Okolakiciye wakan Nitawa kin wocekiye eye cin nayahon kta e icemniciyapi. Taku wokokipe elipi kin owasin etanhan ewicayaku ye; maka puze cin wokokipe kin etanhan, mini wokokipe kin etanhan; makošica on wicete cin etanhan; šicaya wicakuwa toobitika kin etanhan; wocetungla na inahupi etanhan; wowacinibošake na owolutaton kin etanhan; na oiyokpaza itancan icelonza-pi kin owasin etanhan ewicayaku ye. Na wojupi na minikaštanpi kin icunhan waleahye cin, Niye, O ITANCAN, uwicaki-ciya ye, Ikeewicaya wicota hein omawicaya ye, Christian tamakocepi kin ektu tona wowanikiye hiško tanka aktapi ši kin hena wicayuhonni ye, hecel, O Maka Wanikiya waonšila kin, Nicaje yatanpi kta na Nitokiconze u kta: Niye, Ateyapi kin na Woniya Wakan kin ob woyonihon na wowitan luha, nuwwe, maka owihunke waminl. AMEN.

Wotapi ši Itokam Wocekiye wan.

O ITANCAN, wopila unnicupi. Wotekapi kin wolwicaya ye, na wicaša oyasin, maka sitompiyan, Wiconi Aguyapi ni un kin Mahpiya eciyatanhan hi kin he olepi na iyeyapi kta e icemniciyapi. AMEN.

Grace Before Meals.

THANKS be to Thee, O Lord. Feed the hungry, and grant that all men, everywhere, may seek and find the Living Bread which cometh down from Heaven. AMEN.

NIORARA DEANERY OKNA CONVO-CATION KIN.

Greenwood, So. Dak.,

August 26, 1910.

Anpetu wan Bishop Waawan-yake kin kalnige oknayan Niobrara Deanery Convocation kin omaka wanji on Yankton Agency illeyata makiyutapi wanji wahece-tu wahahan Aug. 26, 1910, ehan omniciye econpi.

Owacekiye tokaheya kin en Bishop kin wahokonwicakiye qa Wotapi wakan kin yuwakan, qa Rev. E. Ashley, Rev. A. B. Clark qa Rev. P. J. Deloria hena okiyapi, qa ataya wicaša qa winyan koya opawinge yamni sam akeza-ptan wotapi wakan kin icupi, qa owacekiye kin de en womnaye kin Mazaska wikcemna zaptan sam šakdogan sam kaškapi napeinwan-ka sam mazaša napeinwanka.

Wi cokaya sanpa wibiyayena nom sam hanke ape qonhan Bishop kin omniciye ocon kin yugan, qa hekta omaka on wowapi kage cin wicašaje yawa, qa wicaša wakanpi kin wikcemna nom san nom, qa Catechists nupi kin akenapeinwanka qa Wawokiya unpi kin wikcemna nom sam topa, qa kalniš hiwicayapi kin wikcemna zaptan sam nom hena-keca esjewicayatapi kin ayuptapi.

Tona kalniš opapi kin hena wicacaje kin owotanna wanka hecinhan hena tanyan iwanyakapi kta e heon Itancan yanke cin wicaša yamni Committee wicakage qa hena Rev. Luke C. Walker, Rev. Dallas Shaw qa Mr. James Claymont hena cepti.

Hehan omaka wanji on Oitancan wicakalnigapi kta cin iyehantu qonhan Rev. William Holmes wewapi kaga yaštanpi qa Rev. P. J. Deloria Convocation icunhan Dean un kta yaštanpi, qa Rev. A. B. Clark Convocation tamazaska awanyake kta yaštanpi, qa Rev. H. Burt, Dakota wicaša wakan tamazaska awanyake kta yaštanpi.

Hehan hekta omaka kin icunhan Convocation tamazaska awanyake cin he mazaska tona icu qa tona yusote cin hena okdake, qa tawowapi kin he wicaša yamni iwanyakapi kta e on Itancan yanke cin he Committee yamni wicakage qa hena Rev. Joseph Goodteacher, Mr. James Wright, qa Mr. Reuben Estes hena cepti.

Hehan hekta omaka kin icunhan Dakota wicaša wakan tamazaska awanyake cin he mazaska tona icu qa tona yusote cin hena okdake, qa tawowapi kin he wicaša yamni iwanyakapi kta e on Itancan yanke cin he Committee yamni wicakage qa hena Rev. Charles M. Jones, Rev. Baptiste Lambert, qa Mr. Stephen Blacksmith hena cepti.

Hehan Rev. E. Ashley Anpao kin kage cin he mazaska tona icu qa tona ayusote cin hena okdake, qa dehantu kin mazaska opawinge sam wikcemna yamni sam zaptan

sam kaškapi wanji hena keca yuha hinajin keya okdake. Wadehan ahipi ehan wanna oenakiye kta cin iyehantu qonhan enakiyapi qa hocokata itawacekiyapi kin he heconpi.

Saturday, Aug. 27, 1910.

Tokaheya hinanna owacekiye kin econpi Rev. John Flockhart qa Rev. William Holmes hinanna wocekiye wocon kin econpi, qa iyohakam Dean Deloria Convocation omniciye kin yugan.

Hekta omniciye owapi, qa wicacaje kin hena dehan yawapi kta ši eyapi qa iyecen yaštanpi.

Hehan Mr. Edgar Fire Thunder woiciconze kta wan cajeyate qa he Mr. Howard Around Him he okiye, qa decen eyapi. Niobrara Deanery okna Convocation un kin de omaka iyohi omniciye econ qon he unkayuštanpi kta, qa ce emaka yamni can hehan ee omniciye econpi kta, eyapi, tka hecetu kta ši yaštanpi.

Hehan Mr. William Smutty Bear he woiciconze kta wan decen cajeyate qa he Mr. Louis Dorian he okiye.

Convocation unyankapi kin detanhan woyuštan-wanji decen un-kagapi kta, Dakota owakpamni tona hiyece cin hena ece wošna-kaga tona yewicashi wicoban awanyag yankapi kin hena Dakota Wacipi kin he ateyapi kin, ana-wicapte kta e iyopaštakapi kta uncinpi, eyapi qa he hecetu kta e yaštanpi.

Hehan Anpao kin he iwokdakapi qa ohanketa Anpao kin he omaka wanji can kašpapi yamni qon he elipeyapi, qa detanhan tokatakiya Anpao kin he omaka wanji can kašpapi zaptan kajujuži kta hecen yaštanpi.

Wadehanyan ahipi ehan wanna wi cokaya hiyaya heon maka owancaya yewicashi kin on wocekiye eyapi qa enakiyapi.

Wi cokaya sanpa nom hanke ape qonhan Dean Deloria Convocation omniciye kin yugan.

Wicacaje kin qa hekta wocon owapi kin hena yawapi qa owasin eetu e iyeyapi.

Hehan Rev. Joseph Goodteacher, Committee itancan kin he wokdake qa Convocation tamazaska awanyaka tawowapi wan iwanyag wicashi kin he wanna iwanyakapi qa owasin ece owotanna iyeyapi keya okdake.

Hehan Rev. Charles W. Jones, Committee itancan kin he wokdake qa Dakota wicaša wakan tamazaska awanyaka tawowapi kin he wanna wanyakapi qa owasin ece owotanna iyeyapi keya wokdake.

Hehan Mr. Antoine Rondell he woiciconze kta wan decen cajeyate.

Niobrara Deanery Convocation kin de detanhan tokatakiya wicaša wakanpi, qa Catechists kin, qa Wawokiya kin benana Convocation econpi kta qa henana womnaye kin hena ahipi kta uncinpi, tka

hecetu kta ši yaštanpi.

Hehan Rev. Baptiste Lambert he wacajeyate qa beye, Anpetu tokaheya kinhan, hinanna kin en taku tokaheya econqonpi kta cin he wica tawomnaye kin he hehan ahiknakapi kta eye, qa he hecetu kta e yaštanpi.

Hehan Rev. A. B. Clark, he Bishop tawowapi wan yawa qa he decen kage.

Mitakoda tecibindapi kin:—

Tokata anpetu iyamni qa anpetu itopa kin hena en omaka iciyamni on Convocation ocon kin he Mitchell otonwe kin he en omniciye econpi kta, hecn etanhan Niobrara Convocation kin de etanhan iyokipipi kinhan wicaša ikec tona omaka iciyamni omniciye ektu kalniš yewicashi kta cin hena tuwepi kta cin cajewicabdate kta wacin, hecen tona wicakalnigapi kta cin dena omniciye kin he ektu token okihipi kin hecen yewacinpi qa opapi nin ecalmin.

Wacinyepica nitawapi kin

F. F. Johnson.

Hehan Bishop tawowapi kin oknayan wicaša kin dena yewicashi wicakagapi. Reuben Estes, James Burns, Thomas W. Tuttle, George Keble, Jay Carpenter, Alfred H. Barker qa James Crowfeather. Wadehan ahipi ehan wanna itawacekiyapi kta cin iyehantu qa enakiyapi.

Sunday, Aug. 28, 1910.

Convocation kin owacekiye wakan econpi, qa he en wicaša wakan yamni wokdakapi. Tokaheya kin, Rev. E. Ashley, taku iwokdake cin he "Bishop Hare Niobrara obašpe en Bishop un kin."

Hehan Rev. Luke C. Walker he taku iwokdake cin he "Bishop Hare qa otokaheya Dakota tona Deacons nupi kin."

Hehan Rev. P. J. Deloria, he taku iwokdake cin he "Bishop Hare qa Kdešni Owayawa kin."

Hehan Bishop kin Wotapi wakan kin yuwakan qa Rev. Luke C. Walker, Rev. Ames Ross, qa Rev. A. B. Clark, qa Rev. William Holmes hena okiyapi.

Hehan Dakota wicaša wakan tawomnaye kin heon wamnyanpi qa mazaska wikcemna zaptan sam šakpe sam kašpapi šakpe sam mazaša tob mnyanpi.

Hehan wicokaya sanpa nonpa ape qonhan yuwitaya owacekiye econpi qa he en ake wicaša zaptan wokdakapi. Inbanktonwan Ateyapi kin, Mr. Estes he tokaheya wokdake.

Hehan Rev. John P. Williamson, Presbyterian wicaša wakan tawapi kin, hehan Rev. H. Burt, he taku iwokdake cin he "Bishop Hare qa unkiyepi etkiya ijehan wacinyuze cin." Hehan Rev. Ames Ross he taku iwokdake cin, "Bishop Hare qa Dakota Wošna-kaga unpi kin." Hehan Rev. John Robinson, he taku iwokdake cin "Bishop Hare qa oanpetu otokaheya kin."

Hehan wiliyayena topa ape qonhan wasicun iapi kin oknayan owacekiye econpi qa he en Rev. Theodore Sedgwick, St. Paul, Minn., etanhan kin he wahokonwicakiye.

Hehan litayetu qonhan ake owacekiye econpi qa he en Inhanktonwan oyate etanhan wicota Bishop wicayusutapi ecawicakicon.

Monday, Aug. 29, 1910.

Tokaheya binhanna kin en owacekiye econpi Rev. William Holmes binhanna wocekiye weecon kin econ qa Rev. William Saul woonspe kin yawa qa Bishop kin wahokonwicakiye.

Hehan Dean Deloria Convocation weecon kin yugan.

Wicacaje kin qa hekta weecon owapi kin hena yawapi qa owasin heceta e iyeyapi.

Hehan Rev. A. B. Clark he wacajeyate qa heye Niobrara Convocation kin de dehan Greenwood, S.D., en muiunkiciyapi kin icunhan makoe kin de icokan qa makoe tokeca ektakta yewicasipi awanyag yankapi kin he hekta omaka okna unku pi kin ake hecetuwanjica ayustansniyan ounkiyapi kin heon owasin wopida ewicunkiyapi kta uncinpi, eye qa le inajin yustanpi.

Hehan Rev. Luke C. Walker he woyustan kta wan decen cajeyate.

Wica tawomnaye kin he detanhan tokatakiya womnaye kin le onge etanhan Catechists qa Wawokiya tawokajuju kin he en idag unyanpi kta eye qa he hecetu kta e yustanpi.

Hehan Rev. A. B. Clark he wacajeyate qa heye, yewicasipi awanyag yankapi kin etanhan opa wanji Rev. Theodore Sedgwick St. Paul etanhan kin he dehan den unkiapi un qa yewicasipi wicohan kin oknayan takuku abdesunyanpi kin on etanhan wopida unkekiyapi kta uncinpi, eye qa he hecetu kta e yustanpi.

Hehan wica tawomnaye kin he wanna ahiknakapi kte cin iyehan-tu qa Rev. E. Ashley, Rev. William Holmes, qa Mr. James Wright hena womnaye kin ce icupi, qa ataya mazaska opawinge sakpe sam wikeemna non sam sakdogan sam kasapapi sakpe sam mazaša nom henakeca ahiknakapi.

Hehan Mr. Louis Dorian he wacajeyate qa heye, Inhanktonwan oyate kin de en Wicaša wakanpi qa Catechists qa Wawokiya, qa oyate kin omniciye econqonpi kin icunhan taku owasin on tanyan unkuwapi qa oyokipiya omniciye econqonpi kin heon wopida ewicunkiyapi kte eye qa he inajin yustanpi.

Hehan tokata omaka kin he Ilyan Bosdata tamakapi kin icokan Convocation omniciye econpi kta cinpi keya yustanpi.

Hehan ehakehecin Bishop kin he wowakta woyoksape wicoie bececi on oyate wakta wicaye qa wa-

hokonwicakiye qa Wahošiye woyawašte wicoie tawapi kin yatanin qa enakiyapi.

William Holmes,
Secretary.

Akihaniciyapi.

Jesus Christ Wanikiya unkitawapi kin wicohan tanka tawa kin on piiciyin kte cehaul anpetu wikeemna topa akihaniciye na cekiya un. Hehanl wakanšica el i na togtogye iyutanyan. Wicacehi kin eciyatanhan (St. Matt. 4: 3, 4) Wicotawacin kin eciyatanhan (4: 5, 7), maka kin le el na towitan kin eciyatanhan (4: 8-10). Jesus lecon kin on tancan wašake šni, qeyas nagi kin wašaka, hecel taku wawiyutanye kin oyasin iyoopta biyu, na lecel wicaša oyasin tokayapi itancan kin oliya okihi iglutatin. Hecel wicaša oyasin Jesus wacinyanpi kta iyeececa ca tanir. Iye wacinyanpi na ihakab unpi kinhan Iye eciyatanhan inšeya wakanšica wawiyutanyan un kin iyoopta hiyupi kta. Canku wan iye pazo kin oga manipi echantas okihipi kta. Cekiyapi na akihaniciyapi kinhan.

Wanikiya ukitawapi kin Iye wacinyepica iglutatin. Canku wan oga mani qon unkiš he oga maunni kinhan Iye wacinunyanpi qon he unkiqlutaninpi kta. Wakanšica wicacehi kin eciyatanhan iyutanunyanpi kinhan ables unkiynkanpi kinhan wašte kta iteka. Niwalpanicapi qeyas woyute waštešte na tehike ole na imnaičiya yo; mayanon, naiš mazaska oyalote eša etanhanš tokaka; na nakun mini wakan yacin echantas yatkn yo; taku keceyas nicelipi cantihye kin ecel ecen yo—lecekecel wakanšica unkekiyapi kinhan; Hiya, micelipi kin he iyotan šni tka minagi ni kte cin hee iyotan, na he Wakantanka toope na toiye anagoptanpi kin eciyatanhan ni kta ca slolwaye lo, eya unkuwuptapi kta iyeececa.

Akeš Wakanšica woawacin ecinšnišniyan na wokokipe kin el unkuwapi kinhan, na taku cecripica šni na okihipica šni ko awacinunyanpi kinhan. Hiya, "Wakantanka nitawa kin iyutanyayin kte šni," eya unkuwuptapi kta iyeececa.

Akeš maka akanl wowašake na wowitan toketu keceyas akil unšipi kinhan, Hiya, tka wicaša mayonihanpi na itancan emakiyapi kte cinhan he taku šni, na etanhan minagi ni kte šni; tka Wakantanka ohowala na Iye wowilagmaye cinhan malpiya wowijice kin bluha kta ca tanyan slolwaye lo, eya unkuwuptapi wašteka ye lo.

Hececi akihaniciyapi kin on taku unkolepi kin hena Jesus wikeemna topa can akihaniciye qon etannan tanin. Wicacehi, na wicotawacin šica, na maka kin le towitan na towašake kin hena ipiunkiciyapi kte cin hee.

Hececi waulitanipi kin; taku keceyas iyounkipipi na econqonpi

kta ca iyowinunkiciyapi sa kin hena ipiunkiciyapi kta e, na wicacehi na wicotawacin šica, na maka kin lee, hena etanhan, Hiya minagi kin ni kte lo waonspeunki-ci-yapi kte lo; na itkob wocekiye eyapi kin on, na Wakantanka oye awacinpi kin on, na akihaniciyapi kin on, wicacehi kin kahukul iyeyapi kin on, Jesus tokel ecen qon iyceel unnagipi tawicohan kin on unyuwašakapi kta ca unkuwapi kte lo.

Akantanhan akihaniciyapi kin he toka lee šni, icin unnagipi kin iwašte šni. Unkiyepi kin on Jesus Christ hecon na wicacehi na wicotawacin šica, na maka towitan kin cyasin ohiye Hehanl Iye wašteunlakapi na unnipi kta uncinpi kinhan inš iyecel kuwa unšipi. Canku wiconi oga nipica kin he unkipazopi. Inš Iye kin on wipiunkiciyapi kta. Inš Iye ihakab unqonpi kta, na maka kin le unkihunnipi kinhan Iye kici unqonpi kta ca he tanyan slolunyanpi, ca lehanl he ayotan kuwa unqonpi kte lo. Woaltani kin teonyanpi kte šni ca heon heconqonpi kte lo.

Wanna ake akihaniciyapi omaka ikyla unhipi heon kolawicawaya tona wašake šni se unpi qon kobanke šni šina wicaweece lo.

Nitakolapi wanji.

Stephen H. King.

St. Andrew Sunkakiciyapi Wotaniin.

Santee, Neb.

Anpao kin:

Ito ake wayaotanin eisi kta wacin. St. Andrew Sunkakiciyapi kin, Santee, Neb., en Chapter Nos. 53, 2083 qa 2113 unpi kin hena yamni yuwitaya mniciciyapi, qa wanji teca wocekiye ohna opekiyapi, Wallace Robinson hee. Qa omniciye kin de tukte ohna wašagya qa tanyan waeconpi kta on Committee šakpe wicakagapi. Chapter No. 53 etanhan, Henry H. James, qa Smith Robinson; Chapter 2083 etanhan Henry Johnson qa George G. Lawrence; qa Chapter 2113 etanhan James Sharp qa Joseph Chapman, hena Committee unpi kta.

Rev. Joseph Goodteacher Ihanktonwan tipi etanhan, qa Provincial Chapter en Vice President un kin en un qa wobdaka qa nina tanyan wounkiyakapi, hececa nakaes oyokipiya omniciye.

Christ tokiconze koškanaka ehna icage kta eyapi kin he sanpa de oyanke kin en nina iyopte kin, heon wanna Chapter yamni toked okihi sanpa tanyan Sunkakiciyapi kin de pawankan ayapi kta litanpi, qa Wakantanka ounkiyapi kinhan sanpa mniunhecapi kte.

Tona Anpao dawapi ece kin owasin cantewašteya napenniyuzapi. Henry H. Whipple

Yuwitaya Omniciye Wowapi kaga

Andrus, S. D.

Dear Friend Anpao:

Nov. 30, 1910, St. Andrew Taanpetu kin en kodaunyaupi wan Louis Claymore ti kin en wotapi kagapi qa ikduštanpi hehand wiyotanhan sanpa nonpa ape hehand Tipi wakan ekta wocekiye econpi kin en wicaša nom wokdakapi, John Feather qa James Reed: qa koška wanji St. Andrew ca ičiconza, he Miles Standish eiyapi. Ikduštanpi hehand oitancan kin hena apiwicayapi: Louis Claymore, President; Henry Stinger, Vice President; Andrew McBride, Secretary; Henry Chinn, Assistant Secretary; Rev. Joseph Goodteacher, Treasurer; Walter McBride, Janitor; Ulysses Reed, Collector; Battiste Hope, St. Andrew tawomnaye awanyaka; James Reed qa James Goodteacher, Wayazanke Committee. Dena wi akenom wicohan wakan kin en litanipi kta wicayustanpi. Chapter of Holy Name en St. Andrew unpi kin wicacaje 34 qa tom tapi. Unkan Dec. omaka 1902 hetanhan tokaheya St. Andrew Sunkakiciyapi kin icaga qa wancake katinyan owasina ed ahioyapi šni tka wanjikjina ecee. Tokad Mr. Goodteacher oyanke kin de hi kin taku wanjikji on iyotanhan iyekeiye. Wacekiye kte cin wicaša nonpa qaiš yamni ece dowanpi qa woayupte eyapi. Nakunš tukte kte ishana dowan yanka ece. Hehan nakun womnaye kin eistina, hecen tokad de yanke cin nina walpanica, unkan ohunkakan wan ibdacin. Homakšina qon he ehan ate wasicun ohunkakan ota kan ece. Unkan wanji decen oyaka weksuya. Wicaša walpanica wan wanna takunali yute šni hecen anpetu can bde wan en hokuwa yanka ecee, qeyas takuna oyuspe šni, anpetu iyohi hecon yanka eša. Unkan ake anpetu wan en hokuwa unkan iknuhanna hogan tanka wan oyuspe, wata yuptanyan nunse kuwa keyas is kte wacin škan ho kitanli wata en oknake. Unkan hogan kin heya keyapi, "Tunkanšina, onšimakida qa amayustan yo." Hol! iyotiyekiya ocuyuspe hecen acikni kte do, eya. Unkan hogan kin heya, "Tunkanšina, onšimayakida qa nimayaye cinhan wanipi kte, qa hogan toked yacinka wicayakte kta." Ho hecen hogan kin kikdeya qa hoicuwa minin elipeye cin heceknana wanji oyuspe. Ake hoicuwa minin elipeye cin ake wanji oyuspe, ohanketa hogan kin iyecinkana wata iyohpeiciya yukanpi, canke wanna wata hogan ojupina kta canke nihinciye hutata watokipe qeyas behanyan hecen aupi. Huta kihunni qa wata hogan ojupina hecen hena otonwe ekta wiyopeye awicabi qa kasapina ota ikdamna, keyapi. Ho, unkan he iyecen Mr. Goodteacher oyanke kin de hi qa omaka tom hehanayn toked econ kinhan Sunkakiciyapi icali-

yin kta cin iyukean un qa omaka 1902 hetanhan tokaheya koškana-ka zaptan St. Andrew en opewica-ye, hecen tokaheya zaptan owica-yuspe, qa hetanhan nonpa qa yamni hecekcen ahlopapi. Hecen dedan Okodakiciye wakan kin, qa St. Andrew omniciye kin, qa womnaye kin hena kitanna tanyan iyopte. Hecen Mr. Goodteacher wowašte wan awacin qon wanna iyecen n e wankdake.

Nitakodapi wan he miye. Owasin nape ciyuzapi.

Andrew McBride.

White Swan, S. D.

Anpao kin :

St. Philip's Chapel etanhan, de owacekiye Tipi kin ed Brotherhood of St. Andrew wan icage ca Chapter 2111 teca kin de en koška kin dena wicadapi qa en opapi : Itancan, William Gassman ; Itancan okihe, Paul Walking Stone ; Secretary, Eugene High Rock ; Treasurer, Louis Archambeau. Dena ko opapi: John Rondell, Joseph Gassman, Charles Felix, Walter Deronda, Martin Walchanka, Sidney High Rock, Robert Spotted Eagle, Louis Gassman, Isaac Gassman, Oliver White Shirt.

Dena koškanaka St. Philip's Chapel olidate okiya najinpi kta, tohanyan nipi kin ed. Hecen ton Brotherhood of St. Andrew oyapapi owasin wocekiye unkeyeci-yapi nunciupe do.

Eugene High Rock
Wowapi kaga

Brotherhood of St. Andrew,
St. James Chapter No. 1947.

"Ksapeicidapi kin en icunhan witkotkoka ical ayapi." Roma 1: 22.

Ehanna woyakapi kin eciyatanhan, Wowapi wakan kin Wicoicage 3:5 en Adam qa Eve kici ksapapi kta cinpi kin etanhan on woaltani icicagapi qa anpetu kin dehanyan woaltani unkeyustanpi šni, tka ohinni taku wanji skuya qais oyute wašte kin he iyecen woaltani iyounkipipi ecee, qa token ehanna David wicaštayatapi yanka icunhan wayatke ca iyokipiciye ca nakun he isanpa Uriah tawicu kin iyokipi heon ozuye ekta yeši qa ktepi kin, hehan Bathseba huwe yewicasi qa yuze cin, heon Wakantanka David nina iyopecye, qa nakun de iyecceca Solomon iye ishana Wakantanka wicoksape qu hehan iye wicašta en ishana ksape cin, hehan ake woaltani en iyaya, qa Solomon tawicu kin opawinge šakowinpi, qa nakun sanpa šicaya econ, winyan oie anawicagoptan qa Wakagapi eekiye ca wanna nina ksapa kecin heon Wakantanka ayušan, qa ishana token iyokipi ohna ohanye kta kecin, tka Wakantanka anagoptan šni kin he šihda heon wo-

ksape na wowijice hena etanhan Wakantanka ehdaku, qa nakun Solomon waštani kin hena nakun Wakantanka kicicajuju e sdonwaye šni heon ito cinye, misun, mitawinolitinpi, de awauncinpi kte Jesus iyotan wicoksape ota eya, na Solomon isanpa ksapa, qa oie kin hena Wowapi wakan en dawapi kin on widoškinpi kte cin tka. Hehehe! wicašta owasin iye cante kin en ksapeicida kin on wicašta wicahnaye wayupike tka cin; qa wanji eecen witkoiciye ca eecen wacetuuhdapi en owicapeya wawecye šni un ecee (St. Luke 12: 45, 46); qa wanji is wawicahapi econ kta iyokipi; qa wanji is wawakipajinyan un kta iyokipi; wanji is ohinni wicašta wakan qais tuwe keša wawihnupi cajeyan un kta iyokipi; wanji is wacipi en iyaya qa eecen yaonihanpi cin on ituhan; wanji is wicahnayan šunka wakan tokiyopeye kta on nina šunka wakan hdaškehan iyokipi ece (Galatia 5: 19, 20, 21). Tuwe winawiziye yuhe cin he tinwicaktepi yuha taninyan econ kin is iyecceca (St. Johannes 3: 15; Wicoicage 4: 5-8). Ho mibunkawanjipi qa mitawinolitinpi wanna ksapeicidapi he unkeyustanpi qa Wanikiya maka akan onšiciya hi qon iyecen wiyeya unqonpi kta hwo?

Chas. A. Bluedog.

Winyan Omniciye Wotanin.

Sisseton Agency,
St. Marys etanhan.

Nov. 30, 1910, anpetu kin de ed Winyan okodakiciye kin owasin zaniyan unhdihunnipi qa ake detanhan wicohan unkitawapi kin ed aiciciya unškanpi kta wicakalnigapi. Winyan untonapi ešta token unkoikihipta litaunnipi, qa winyan ake wicohan yuhapi kta wicakalnigapi detanhan tokatakiya.

Dena cepi : Itancan, Dinah Shield ; Okihe, Ida Kamleska ; Mazaska awanyake, Elizabeth Redearth ; Wamnayanpi kin, Nellie Cante qa Lydia Seeboy ; Wowapi kaga, Hannah Hopkins. Wowapi wakan oehde ohinni unkišuyapi—Matt. 9: 36, 37, 38. Wicoicage kin dena awacin litaunnipi.

Hannah Hopkins
Wowapi kaga

Santee, Neb.,
Chapel of the Holy Faith.

Anpao kin :

Ito ded Winyan omniciye unyakonpi kin on iyapi tonana epa wacin. Dehan omniciye unkitawapi kin wikoška ecee se ed ounpapi qa nakun owasin se oitancan unkgapi. Dena cepi: Itancan, Nina Johnson ; Okihe, Lizzie Rouse ; Wowapi kaga, Delia Whipple ; Mazaska awanyake, Maggie Whipple ; Wamnayanpi, Mary Hoffman qa Luida Lawrence ; Wayazanka awanyake, Su-

san Jones. Iho dena tokatakiya niunyanpi kte cin on omniciye kin de token yuha tanyan qa wašagya yuha litaunnipi kte on dena decen Wakantanka wicotawacin wicaqu nin ce ecanmi; qa ohinni onšiciya qa tohinni wocekiye unkitawapi kin unhdušnapi šni kinhan eecen Wakantanka ounkiyapi qa wiconi unkitawapi kin en wicohan de yuha ihanke kin en unkaipi nin ecanmi. Nakun ded askatudan report unyuhapi qa wi iyohi report teca unkgapi ece. Wošna kaga unkitawapi kin report unqupi qa tohan winyan yuwitaya unkiyapi ca ed unkiyawapi, wi iyohi token litaunnipi qa mazaska tona unkaninapi kin owasin report en owa yanke.

Wakantanka ounkiyapi kinhan wi ake nonpa kin en tanyan unkaipi nin nina awacanmi. Winyan omniciye yaunpi kin owasin cantewašteya nape unyuzapi. Ohini wocekiye nitawapi en Wakantanka niepi un nunwe. Nitakuyepi wanji wanji he miye.

Luida Lawrence.

Greenwood, S. D.

Church of the Holy Fellowship etanhan.

Anpao kin :

Ihanktonwan Owakpanni kin ded Winyan Omniciye unpi kin hekta Oct. 7, 1910, he ehan apikiyapi qa dena ed oitancan unpi kta e wicaynstanpi. Mrs. Julia Obashaw, Itancan ; Mrs. Mary Picotte, Itancan okihe; Mrs. Sophia B. Williamson, Mazaska awanyaka; Mrs. Sarah Kealer qa Mrs. Irene LaClaire, Wokagege yuhapi; Mrs. Ellen Išta maza qa Mrs. Margaret Necklace, Wamnayanpi. Iho dena ake wiakenom Wakantanka ihukuya tawacin wanjina wowaši econpi kta e wicaynstanpi.

Eliza V. Obashaw,
Wowapi kaga.

Crow Creek, S. D.

Anpao kin :

Mitakoda, Winyan Omniciye en taku wanji miyecidaotanin kta wacin. All Saints en Winyan omniciye apikiyapi qa dena oitancanpi kta wicaynstanpi : Mary Pretty Boy, Itancan; Mary Little Cloud, Okihe; Mary Rondell, Mazaska awanyaka, nakun wopeton ; Mrs. F. Tatiyopa waniyetu wiceenna winyan omniciye on Wowapi kaga un, ake heceknana un kta yušanpi, nakun Wamnayan. Winyan omniciye unqonpi kin wicoheca ece unškanpi tka ohinni bdiheunkiyapi, qa miš miye kin Tipi wakan kin en hante wakage ca en wayazan mičiya. Anpetu nom, hanhepi nom wowaši ecanon. Unkan taku e he uncinpi qa wicohan kin he iyopteunyanpi he? Unnagipi kin he wiši yuha kta uncinpi qa he Wakantanka heya, Iyuha onšikicidapi qa yuon-

ihanyan cantekiciyuza po, eya. On wocekiye epa ecan Winyan omniciye yaunpi kin hena ciksu-yapi ohinni iyoniptapi kta wacin heon.

Nakun taku wan ecorqonpi kta. Wicaša wakan om unqonpi kin hena tawicu om onšiwicaunkidapi kta, qa yuonihanyan cantewicunkiyuzapi kta, taku eyapi kin anawicaungoptanpi kta, hecen Wakantanka iyokipi kta naceca ecanmi. Iho hehana epin kte. Winyan omniciye yaunpi kin, tona Anpao iyacupi kin cantewašteya, Jesus towašte kin en napeciyuzape.

Mary Pretty Boy.

Lower Brule Agency, S. D.

Anpao kin :

Ito lehanl womiyeciyan kin kta wacin ye. Eya Kuta wicaša oyanke kin lel Winyan omniciye kin lila tanyan inyanke. Okolakiciye wakan okna taku miš awacanmi kin he wowieake, wicoksape na wiconi owihanke wanice cin he okna micante on awacanmi ye; na ataya Winyan omniciye ecan wicetokam wowieake on taku cajebate sa ye. Iho yunkan taku ota unkonspepi kta uncin pe kin wanna wanjikji unkonspepi nacece. Yunkan wicaša wakan unpi kin, na ohlaše Koška itancan unpi kin, lena taku onspennkiyapi, Okolakiciye wakan kin okna. Ho yunkan oyanke okšan Winyan omniciye yaunpi kin wicohan wašte okna, wowaši ecanonpi kin okna sutaya nayajinpi nin ecanmi ye. Ho Wowapi wakan el wicoie wan lecel eye "inini kin ekna ilale cinhan cici waun kta ; peta ekna nayajin kin nigu kte šni," cyape. Ho mitakuye he wacinye na he ohinni unkišuyapi wacin ye. Ho wanna henala epa wacin ye. Tona Anpao iyacupi kin napeciyuzape.

Nelly F. Butte.

Bull Head, S. D.

St. John Baptist Chapel.

Anpao kin :

Lehan wayaotanin ciši kta wacin. St. John Baptist Chapel el Winyan omniciye unpi lecala hekta Nov. 1 qon hehan oitancan apiunkiyapi na lena ake wicaun-

[Continued on first page.]

ANPAO - KIN:

REV. E. ASHLEY, - - - Editor
Rev. W. Holmes, - - - Assoc.

Anpao wotanin wowapi kin wi iyohina, wiyawapi anpetu tokaheya eca wowapi tokšu kin ogra yewicakiciyapi ece. Wi akenom (one year) on kašpapi zaptan kajujupi kta.

Wi šakpe kin kašpapi nonpa sam okise. Icupi šni itokab kdajujupi kta.

Money Order, Cheyenne Agency on opetonpi na hiyumakiyapi kta. Okihipi šni kinhan Wowapi askabyapi maqupi kta.

Tuwa wowapi kagin kta ca wowapi ska sani el owa kta.

Opetonpi kta e wowapi hiyukiyapi qais ed taku oyakapi kta cinpi na hiyukiyapi ca, wowapi ojuba akand deced owapi kta.

REV. E. ASHLEY,
Cheyenne Agency, S. D.